

外科症治全生集

外科症治

上集

全生集



外科症治全生集



光緒戊寅季夏
潘敏德堂重刊



序

余閱外科書夥矣。而求其剖析陰陽辨
理寒熱簡明切要者。莫如此書。靈樞癰
疽之篇。條緒繁多。淺學難於尋識。金
匱祇列瘡癰腸癰兩種。大意以深淺
分陰陽。而其旨未暢。後人鑽研。未由遂
歧涂徑。王氏獨紹絕學。啓發靈扁。振



墜扶危。厥功鉅已。嘉定王氏校刊本。
鄂中再刻之。其論證互見。未便備閱。
家藏器之。治此有年。曾為區公門類。
頗有增損。字句世稱善本。嗣長洲蔣
氏刻於蘇城。伯寅弟翻雕於京師。鄂
中尚無此本。余既刊各種醫書。成即
急為付梓。以廣流傳。吳縣潘霽



自序

明劉誠意伯言藥不對症。枉死者多。余曾祖若谷公秘集云。癰疽無一死症。而諸書所載。患生何處。病屬何經。故治乳巖。而用羚羊犀角。治橫痃。而用生地防已。治瘰癧惡核。而用夏枯連翹。概不論陰虛陽實。惟多用引經之藥。以致乳巖橫痃。患成不救。瘰癧惡核。潰久轉怯。竟不知爲引經之藥所誤。反誘咎於白疽。本不可救。不亦謬歟。夫紅癰乃陽實之症。氣血熱而毒滯。白疽乃陰虛之症。氣血寒而毒凝。二者俱以開腠裏爲要。腠裏開。紅癰解毒卽消。白疽解寒立愈。若憑經而不



辨症。藥雖對經。其實背症也。世之患陰疽而致斃者。頗多苟
其陰陽別治。何至有死症乎。余曾祖留心此道。以臨危救活
之方。初起立消之藥。一一筆之於書。爲傳家珍寶。余幼讀之。
與世間諸書迥別。歷症四十餘年。臨危者救之。初起者消之。
痛癢者止之。潰爛者斂之。百治百驗。憑經治症。天下皆然。分
別陰陽。惟予一家。是以將祖遺秘術。及予臨症。將藥到病愈
之方。並精製藥石之法。盡登是集。以待世之留心救人者。依
方修合。依法法製。依症用藥。庶免枉死。使天下後世。知癰疽
果無死症云爾。

時

乾隆五年歲在庚申仲春朔日洞庭西山王維德洪緒氏書



北京中医药大学图书馆版权所有

凡例

一癰與疽之治截然兩途。世人以癰疽連呼並治。夫癰疽二字之連呼。卽夫妻二字之連呼也。若以癰藥治疽。猶以安胎之藥服其夫矣。是集以癰疽分別兩途。皆執症執方之法。如照法。法製。照症用藥。救人之功。余不敢分。害人之罪。余當獨認。情願萬劫披毛。甘受屠家誅戮。

一輯是集專論陰虛陽實。認定紅白兩色。是癰是疽。治卽全愈。所載諸方。皆藥到病愈。切勿增減。并勿因貴重之藥減輕。逐症治法。開卷一目了然。不必投師。人人可精此道。



一諸書惟馮氏錦囊內附陰疽論與余家遺秘相符獨無消
疽之方。惟以溫補兼託爲法。且疽初起卽如平塌安可用託
託則成患。余家之法以消爲貴。以託爲畏。卽流注癰疽疔核
倘有潰者仍不敢託。託則潰者雖斂。增出者又如何。邪故以
消爲貴也。

一外科之虛實發現在外治之法集中詳細不必諳脈儘可
救人。故痘症之險悶順逆眼科之心肝脾肺腎皆現於外。故
亦不診脈也。好學者察患者色則知症。照症治無不痊。

一醫可寄生死。閱坊刻外科妄稱正宗載云症現七惡卽死。

又載以桐油燒紅衣鍼。鍼入痰塊半寸。用降藥爲條插入鍼孔。七日塊自開裂。再以條插七日。其核自落。又稱毒在皮裏肉內。刀割深要寸許。方能洩毒。殊不知毒在皮裏膜外。或應開刀。尙忌深過三分。恐傷內膜。若深入寸許。傷透內腑。病人何能堪此極刑。七惡之現頃刻矣。世之宗其法。治盡屬創徒。此集惟疔用刺。其外槩不輕用刀鍼。并禁昇降痛爛二藥。一徧身所患。止有紅白兩色。紅者癰。白者疽。癰疽卽其名也。有謂無名腫毒者。因未識其陰陽也。

一是書無論背項腰腹。色白者言疽。以疽藥愈之。紅腫者言



癰以癰藥愈之。坊刻書稱以某藥與服不應。再易某藥。豈非
以人試藥乎。倘患者要緊穴道。安可遭醫幾試。望高明詳之。
一世無爛久之癰。惟疽初起失消。或遭降灸鍼割。以致年久
不斂。治之方藥。集中詳細。

一此集有行到之處。好學者自然依此治法。初起者消久潰
者斂。余恐此集遲到。醫未經目。人未見習。以致多悞。是以任
坊翻刻。速遍海內。使醫有生人之治。而無枉死之人。余願遂
矣。

一載癰疽咽喉疔毒結毒諸瘡痔漏等症。皆藥到病愈之方。

其雜症及臨症後所附諸病諸方亦一服卽效者附梓集中
內無以人試藥之誤望有力者照方合就對病施送或止取
藥本或鈔方傳人註明法製

一是書所有之藥法製極詳不可忽略宜細心照法精製藥
純效速

一傷寒症有轉經傳變故有醫不執方之說至如外科雜症
全賴識症執方余年七十有二治病經歷四十餘年用藥從
無一錯故敢輯是集以公諸世因名症治全生



外科症治全生集目錄

卷之一

癰疽總論

部位論名

爛潰不斂

患孔毒根

翻花起肛

毒氣攻心

以上總

陰疽論

陰疽治法

流注

附孩兒孕婦

甲疽

井泉疽

瘰癧

治法有四附肘膠穴

小腸疽

鶴膝風

橫痃

乳巖

貼骨疽

骨槽風

惡核痰核

石疽

善癩頭

鵝掌瘋

鵝爪瘋

凍瘡

陰疽用膏議

附末以陰症



癰癤

牙癰

發頤遮腮

子癰

囊脫

赤遊螳螂子

疔毒

紅絲疔

刀鏹疔

疔走黃

楊梅結毒

諸瘡

癩疥繡毬瘋

膿疥間雜

膿窠坐板溼毒猴孫疔

惡瘡極癢

蠟梨瘡

不癢惡瘡

頭面肥瘡

臙瘡

爛腿

漆瘡

患瘡日久

瘡癤

火珠

流火

諸癬

蛙髮癬

陰頑惡癬

痔漏七症

外痔

內痔

痔漏成管

石癰

大癰潰後議樂空



陽症

肺癰肺疽

耳後銳毒

乳癰又名妒乳

喉痺附捲痰法

鎖喉

走馬牙疳

小兒口疳

熱痛喉症

發背

驢眼

魚肚癰

乳蛾

纏喉風

牙蝕

舌腫

視咽喉七症訣

脫骨疽

牛椽臉

痘毒以上有陰有陽症。

喉癰

喉閉附針少商穴。

風火蟲牙

口疳時發

附末。以上咽喉口舌。

天蛇頭

懸癰

喉珠

牙疳

舌上出血

舌硬生衣

製喉鎗法新

小科定台三三真目錄

二



湯火燙

狗咬

跌打骨斷

閃頸促腰

骨鯁

天絲八目

塵屑入目

赤眼淹纏

孩童目疾

痘後目疾

鼻衄

大麻瘋

乳懸

係怪症。以上雜症。未附怪症一。

卷之二

臨症治法

二十症調經種子方

求嗣得孕說

手足不仁骨節麻木

手足骨節疼痛

痛風

箭風

雷頭風

偏正頭風

胃脘痛

痞癖

三日大瘡

黃疽

附溼症用酒辨



紅白痢

癡癩症 附羊頭風

吐血 附吐血用酒辨

痰中有血

咳嗽

冷哮

胃寒嘔吐黃水

翻胃初起

腸紅

水瀉

小便閉

大便秘結

尿血頭裂

夢遺

白濁

烏痧脹

小兒病症

疳疔食積

小兒蟲症

小兒夜啼

急慢驚風

啞驚

卷之三

諸藥法製之法

諸藥藥性

卷之四



陽和湯

二陳湯

千金內託湯

敗毒湯

奪命湯

四仁湯

瀉熱湯

桂薑湯

枸橘湯

龍膽瀉肝湯

清暑湯

紫銀茶

六味地黃湯

十全大補湯

加味四物湯

加味保元湯

蘇前湯

赤荊湯

銀荷湯

雙砂湯

金烏湯

以上煎劑

陽和丸

犀黃丸

醒消丸

小金丹

五通丸

三黃丸

子龍丸

梅花點舌丹

飛龍丹

即蟾酥丸

代刀散

礞峒丸

護心散



角刺粥

白芷散

洞天救苦丹

大棗丸

神仙棗

紅棗丸

愈瘡棗

雪梅丸

聖靈丹

回疔散

杜痔丸

雙鯨丸

退管散 以上丸散

一筆消

拔疔線

平安餅

雄腦散

合掌散

二美散

五美散

金銀散

掃雪散

金霜散

癰酒

蜈蚣油

結子油

錦線油 新

紅油

刻歡丸 治牙疼

香清餅

水金散

五寶散

推車散



山蓮散

象皮散

六和散

紫金錠

勝金散

五音錠

觀音救苦丹

拔毒散

消管方

枯痔藥

槐梅膏

鮮魚膏

四妙膏

麝蘇膏

紫藥

楊梅膏

壁錢散

珍珠散

赤霜散

馬蹄散

南星散

固齒散

取齒丹

四黃散

二冬散

犀黃散

燈心散

停耳散

陽和解凝膏

洞天鮮草膏

白玉夾紙膏

化核膏

白花膏

紫微膏

咬頭膏

烏金膏

以上膏藥

以上吹藥



外科症治全生集

卷之一

古林屋山人定定子王維德洪緒氏纂輯

男王其龍雲客參訂

孫王三錫功純同參

吳縣後學潘士先器之編次
林鐘宣聲甫參校

癰疽總論

癰疽二毒由於心生蓋心主血而行氣氣血凝而發毒毒借
部位而名治論循經則誤症之根盤踞徑寸而紅腫者謂癰
癰發六腑若其形止數分乃為小癰按之陷而不即高雖溫



而頂不甚熱者。膿尙未成。按之隨指而起。既軟而頂熱甚者。膿已滿足。無膿宜消散。有膿勿久留。醒消一品立能消腫。止痛爲療癰之聖藥。白陷者謂疽。疽發五臟故疽根深而癰毒淺。根紅散漫者氣虛不能拘血緊附也。紅活光潤者氣血拘毒出外也。外紅裏黑者毒滯於內也。紫黯不明者氣血不充不能化毒成膿也。膿色濃厚者氣血旺也。膿色清淡者氣血衰也。未出膿前。腠裏之間癰有火毒之滯。疽有寒痰之凝。既出膿後。癰有熱毒未盡宜託。疽有寒凝未解宜溫。既患寒疽酷暑仍宜溫暖。如生熱毒嚴冬尤喜寒涼。然陰虛陽實之治。

助盜糧矣。滋補不兼溫暖。則血凝氣滯。孰作釀膿之具。猶之
造酒不暖。何以成漿。造飯無火。何以得熟。世人但知一概清
火以解毒。殊不知毒卽是寒。解寒而毒自化。清火而毒愈凝。
然毒之化。必由膿。膿之來。必由氣血。氣血之化。必由溫也。豈
可涼乎。況清涼之劑。僅可施於紅腫癰癤。若遇陰寒險穴之
疽。溫補尙虞不及。安可妄行清解。反傷胃氣。甚至陽和不振。
難潰難消。毒攻內腑。可不畏歟。蓋脾胃有關生死。故首貴止
痛。次宜健脾。痛止則惡氣自化。脾健則肌肉自生。陽和轉盛。
紅潤肌生。惟仗調和補養氣血之劑。若夫性寒之藥。始終咸

當禁服。

部位論名

但論部位而名癰疽。雖未分辨虛實。然諸名色。後學亦應知之。卽如毒生頭頂而有善瘡髮疽之名。頸項有落頭對口腦疽之號。鴨蛋因毒夾於腋中。魚肚緣患生於腿肚。失榮獨在項間。夾疽雙生喉側。腳骨號夾棍之瘡。潰爛肌膚則爲驢眼。足心爲湧泉之穴。毒匿腳皮則成牛棟腹癰。指正箭袋云偏臭田螺。大母指之爛名扁擔怪。肩穴中之癰毒鬢前疽耳後發。腿曰腿癰。下稱跨馬白。謂冬瓜手發背。腳了疽。偷糞老鼠。



部位論名

三

又號懸癰漏稱海底。指說蛇頭。甲謂甲疽。膝蓋腫云鶴膝。臂子疼曰子癰。馬刀癰生於臉上。骨槽風患於牙牀。井泉疽患登心口。貼骨疽。毒踞環跳。臀積毒則曰臀疽。臂上癰乃云臂毒。諸名由部位以推。治法憑白紅而別。初起未潰。當觀現在之形。已潰爛久。須問始生之色。初發色紅。仍施癰藥。初生色白。當用疽丹。各症治法。逐列於後。使學者辨症而精治焉。

爛潰不斂

如久潰腐爛不堪。以洞天救苦丹三服。每服三錢。陳酒送服。醉蓋取汗。隔兩日又送一服。再隔兩日再送一服。所隔之兩

日。每日以醒消丸三錢。陳酒送服。服後毒水流盡。七日後再服醒消兩次。接服大棗丸。每日早晚各進五錢。雖危險者亦可奏效。

患孔毒根

爛孔有惡肉凸起。名曰毒根。往往有用降藥爛去者。此乃毆之速斃也。獨不知弱體豈可增痛。況爛去仍又長出。安可再爛。余所製平安餅。專貼毒根外。以陽和解凝膏貼掩。一日一易。輕者二三日。重者六七日。不癢不痛。毒根自落。貼餅時日服託毒散。俟毒根落後。當服保元四物二湯收功。

翻花起肛

潰久不斂必至翻花起肛堅硬取老蟾破腹連肚雜以蟾身刺數孔貼患口上輕者日易一次重者日易兩次貼蟾之日日服醒消丸三錢陳酒送服止其疼痛三日後毒盡再服醒消丸消其翻花軟其硬肛如大患初潰者亦如前法毒從蟾孔而出倘肛硬陷深取活牛蒡草根枝葉或取紫花地丁草嫺者搗爛塗入肛內拔毒平肛功效不凡

毒氣攻心

凡受降藥之毒定致神昏嘔吐此係毒氣攻心急用護心散



以生甘草一兩煎濃汁稠調令病者時刻呷嚥嚥至大半自然止嘔神氣清爽接服醒消以平其勢

陰症門

陰疽論

陰毒之症皮色皆同然有腫有不腫有痛有不痛有堅硬難移有柔軟如綿不可不爲之辨夫腫而不堅痛而難忍流注也腫而堅硬微痛貼骨鶴膝橫痃骨槽等類是也不腫而痛骨骹麻木手足不仁風溼也堅硬如核初起不痛乳巖瘰癧也不痛而堅形大如拳惡核失榮也不痛不堅軟而漸大癭



癰也。不痛而堅如金石形如升斗石疽也。此等症候盡屬陰虛。無論平塌大小。毒發五臟皆曰陰疽。如其初起疼痛者。易消。重按不痛而堅者。毒根深固。消之難速。治之之法。方有一定。學者覽之瞭然。

陰疽治法

初起之形。闊太平塌。根盤散漫。不腫不痛。色不明亮。此疽中最險之症。倘誤服寒涼。其色變如隔宿猪肝。毒攻內腑。神昏即死。夫色之不明而散漫者。乃氣血兩虛也。患之不痛而平塌者。毒痰凝結也。治之之法。非麻黃不能開其腠裏。非肉桂



炮薑不能解其寒凝。此三味雖酷暑不可缺一也。膝裏一開寒凝一解。氣血乃行。毒亦隨之消矣。學者照方依治。自無不愈。倘有加減。定難奏效。

流注

此症色白腫痛。毒發陰分。蓋因痰塞清道。氣血虛寒凝結。一曰寒痰。一曰氣毒。其初起皮色不異。惟腫惟疼。體雖發熱。內未成膿。以二陳湯加陽和丸同煎。數服全消。消後接服小金丹七丸。杜其續發。如皮色稍變。極痛難忍。須服陽和湯以止其痛。消其未成膿之餘地。使其已成膿者。漸至不痛而潰。此

乃以大疽變小之法。如患頂輒。卽爲穿之。膿多白色。以陽和膏日貼。但此症潰後。定增毒痰流走。患生不一。故初潰之後。五日內仍服小金丹十丸。以杜後患。接用犀黃丸。陽和湯。每日早晚輪服。使毒痰消盡。不補亦可收功。

倘孩子不能服煎劑者。初起以小金丹化服。至消乃止。成膿者亦服小金丹。消其餘硬之地。使患不痛。卽爲穿之。俟其毒盡。用保元湯。芪草宜生。忌炙。加入肉桂五分。日服收功。

如孕婦患之。當問胎懷月數。倘將滿六箇月。犀黃丸有麝香。不可服。當以陽和湯愈之。愈後再服三四劑。以代小金丹。杜



其流走。

甲疽

凡指甲邊生一赤肉突出。時常發者。甲疽也。用四妙膏以封患口。日易三度。毒消口斂。

井泉疽

疽生心口。又名慢心銳毒。初起心口內有塊。漸大發高。毒陷即死。此醫皆縮手之症。諸書亦無治法。惟余家祕集載以本人兩手十指。以線量其長短。共積於線。在喉管正中處。雙環至背脊之中。看兩線頭盡處為中穴。又以本人中指之中一



節用柴心量準若干於中穴之左右兩旁各遠若干各以蠟
記分立三穴如人每穴用艾三大壯一齊火灸灸畢全愈

瘰癧

患生項間初起一小塊不覺疼癢在皮裏膜外漸大如桃核
旁增不一皮色不異以子龍丸每服三分淡薑湯送服每日
三次至消乃止倘小孩不善服丸每取小金丹一丸陳酒沖
服蓋暖取汗服至消而止數年內忌食香橙食則復患
凡瘰癧有潰爛間有成膿未潰者亦有未成膿者須服犀黃
丸止其已潰之痛鬆其成膿未潰之脹消其未成膿之核已



成膿者用咬頭膏穿之。日服溫補祛痰通腠活血壯氣之劑。
外貼陽和解凝膏而愈。

凡瘰癧爛延肩胸脇下極不堪者用荊芥根煎湯洗患處以
雄腦散麻油調搗內服洞天救苦丹三服犀黃丸六服服完
九日後皮色變白孔內紅活接服大棗丸肌肉漸長用生肌
散日敷收功。

凡瘰癧爛至咽喉如飲熱湯外覺執痛者乃危險至極遲則
爛穿咽喉不救急取柴心一根量本人中指量其三節共若
干長短男左女右再就其手下腕骨正中骨頂之處卽以所



量中指之柴心定準一直量上盡頭乃肘髎穴也以墨記定取艾圓連灸三壯膏掩可保咽喉不穿凡瘰癧大忌開刀



肘髎穴

小腸疽

患在小腹之內按之如掌堅硬而熱微痛小便頻數汗出憎



寒腹色如故。或現微腫。以犀黃丸愈之。

鶴膝風

初起膝蓋骨內作痛。如風氣一樣。久則日腫日粗。而大腿日細者。是也。因形似鶴膝。故名。專治之法。取新鮮白芷。用酒煎至成膏。收貯磁瓶。每日取膏二錢。陳酒送服。再取二三錢塗患。至消乃止。否則用陽和湯。日服。外以白芥子為粉。白酒釀調塗。亦消。

橫疔

生於小腹兩旁。大腿界中。形如腰子。皮色不異。硬如結核。按



余經師時

乳巖

症

法

之微痛者是也。日取角刺粥。時飲三四日全消。或以子龍丸。每服三分。淡薑湯日送三次。全愈乃止。大忌開刀。開則刀口無膿。惟出白膩漿。三百日內必死。自潰者亦然。

初起乳中生一小塊。不痛不癢。症與瘰癧惡核相若。是陰寒結痰。此因哀哭憂愁。患難驚恐所致。其初起以犀黃丸。每服三錢。酒送十服。全愈。或以陽和湯。加土貝五錢煎服。數日可消。倘誤以膏貼藥敷。定主日漸腫大。內作一抽之痛。已覺遲治。若皮色變異。難以挽回。勉以陽和湯日服。或以犀黃丸日



非淫手統忍准

服或二藥每日早晚輪服服至自潰用大蟾六隻每日早晚

取蟾破腹連雜以蟾身刺孔貼於患口連貼三日內服千金

託裏散三日後接服犀黃丸十人之中可救三四潰後不痛

而癢極者斷難挽回大忌開刀開則翻花最慘萬無一活男

女皆有此症其師每遇一孔膿成不潰往取手術而收其功此方大忌開刀恐未盡其味耳

貼骨疽

患在環跳穴又名縮腳疽皮色不異腫硬作痛者是外用白

芥子搗粉白酒釀調塗或以大戟甘遂二末白蜜調敷內服

陽和湯每日一劑四五服可消消後我服子龍丸或小金丹



以杜患根。大忌開刀。開則定成縮腳損疾。

骨槽風

患在腮內牙根之間。不腫不紅。痛連臉骨。形同貼骨疽者。是
 倘以癰治。則害之矣。初起最易誤認牙疼。多服生地石膏。以
 致成功。爛至牙根。延及咽喉。不救。當用二陳湯加陽和丸煎
 服。或陽和湯消之。倘遇潰者。以陽和湯犀黃丸。每日早晚輪
 服。如有多骨。以推車散吹入。隔一夜。其骨不痛。自行退出。吹
 至次日。無骨退出。以生肌散吹入。內服保元湯加肉桂歸芎
 芪草。宜生收功而止。



惡核痰核

大者惡核。小者痰核。與石疽初起相同。然其寒凝甚結毒根最深。極難軟熟。未潰之前。忌貼涼膏。忌投涼藥。惟內服陽和湯。犀黃丸可消。亦有以大田螺搗爛敷塗消之者。大忌開刀。開則翻花起肛。用大蟾破腹刺數孔。連雜葢患。拔毒軟肛。內服溫補託毒消痰之劑。犀黃丸儘可收功。如孕婦丸內有麝香忌之。

石疽

初起如惡核。漸大如拳。急以陽和湯犀黃丸。每日輪服可消。



如遲至大如升斗。仍如石硬不痛。又日久患現紅筋則不治。再久患生斑片。自潰在卽之證也。潰卽放血。三日內斃。如現青筋者可治。內服陽和湯。外以活商陸根搗爛加食鹽少許敷塗數日作癢。半月皺皮。日敷日軟。而有膿袋下以銀鍼穿之。當服千金託裏散。加熟地同生芪各一兩。代水煎藥服十劑。後以陽和解凝膏滿貼患處。空出穿鍼之眼。使其血活。若皮膜中似成膿。衝用布綁緊。使皮膜相連。內服大補保元等湯。參芪忌灸。服至收功。如其毒氣未盡。忌投補劑。

善癩頭

卽油灰指甲。日取白鳳仙花搗塗指甲上下包好。日易一次。塗至灰甲換好而止。

凍瘡

以陽和解凝膏貼。一夜可愈。潰者貼三張收功。

陰疽用膏議

凡患一應色白大小等疽。忌用洞天膏貼。嫩膏敷用則寒凝愈結。最忌用干搗膏。鯽魚膏貼。蓋此二膏內皆有巴豆草麻。貼則被其提拔助成。每見橫痃乳巖貼至致命。孕婦貼則墮胎。凡諸疽潰後宜貼陽和解凝膏。



陽症門

癰癤

凡患色紅腫疼痛根盤寸餘者是癰毒發三四日尙未作膿以嫩膏圍外內以醒消丸熱陳酒送服三錢卽止其痛夜間得睡次日患皮起皴再服全消如過四五日患將作膿亦以醒消丸與服消其四圍腫硬痛息毒散患啞此以大變小之法有膿之患頂取咬頭膏貼加以代刀散三錢酒服穿之或刀點分許穿之以洞天膏貼不幾日收功如患盤數寸者或患居背心腦後腰腹肚腋陰囊等險之穴用五通丸醒消丸

此方
自皮膚起皴
此方
癰癤
危病服方

已開天
下
此方
癰癤



早晚以敗毒湯輪送一次皮皺痛息再服至愈倘潰卽用託毒散醒消丸亦早晚輪服如患盤不滿一寸亦紅腫者是痛蟾酥丸梅花點舌丹皆可消腫止痛

牙癰

牙根肉紅腫痛甚者是刺出毒血取珍珠散吹之內服龍胆瀉肝湯而愈倘牙骨及腮內疼痛不腫不紅痛連臉骨者是骨槽風也倘以癰治則害之矣故治病貴在識症

發頤遮腮

患生於腮有雙有單一曰遮腮一曰發頤當宜別治腮內酸



痛是遮腮。取嫩膏敷上。次日全愈。倘病仍兩腮發腫。不酸痛者。是發頤。宜服表風散毒之劑。當用白芷、天麻、防風、荆芥各一錢。陳酒煎半碗。送服醒消丸三錢而愈。

子癰

腎子作痛而不昇上。外現紅色者是也。遲則成功潰爛致命。其未成膿者。用枸橘湯一服即愈。

囊脫

陰囊生毒爛破。腎子落出。外用紫蘇湯日洗。取紫蘇葉梗爲末。日敷。用青荷葉包裹。內服瀉熱湯。



赤遊螳螂子

初生小孩因胎中受毒。腿上患色紅腫成片身熱。名曰赤遊。遊者遊走也。遊走遍身而死。取哺退雞蛋內臭水拂上。二次全愈。或小孩口內生疳。或腮內生一紅塊。名曰螳螂子。亦皆胎毒也。用生地五錢。生軍一錢。陳酒浸透。取出共搗爛塗足心。男左女右。用絹縛好。乾即易愈。乃止。嫩膏塗遊亦效。口疳用生香附半夏等分。為末。蛋白調作如餅。貼男左女右。湧泉穴。遇時愈。

湧泉穴即腳心

疔毒

疔毒。...



其患甚險其害最速。生面目耳鼻之間顯而易見。生肩足衣
遮之處隱而難知。早覺者晨醫夕愈。遲知者枉死甚多。卽明
鎗易暗。暗箭難防之意。故婦女而患暗疔。直至發覺。認誤傷
寒致毒攻心。走黃不救。黃卽毒也。如頭面唇鼻肩臂手足等處生
一泡。或紫紅。或黃黑者。疔也。初起刺擠惡血。見好血而止。取
拔疔散。插入以膏掩之。次日疔毒化膿而愈。凡屬疔毒宜服
奪命湯。

紅絲疔

手小臂足小腿生如紅線一條者是也。要在紅絲兩頭始末



刺破毒隨血出而愈。遲則毒入腸胃不救。

刀鎌疔

患形闊如韭菜。長有寸餘。肉色紫黑者是也。忌行鍼刺。以生
礬三錢。葱白七根。共搗爛作七塊。葱湯逐塊送下。蓋暖取汗。
無汗再服。葱湯催之。汗出為度。取爛雞屎塗患。立愈。遲則毒
歸心腑致命。

走黃

疔毒發腫神昏。謂之走黃。如在將昏之際。急取回疔散二錢。
開水送服。少刻大痛。痛則許救。毒化黃水。痛止命活。



楊梅結毒

楊梅瘡。又謂棉花廣豆廣瘡。因形而名。然其感毒無二。以化毒爲貴。燻罨爲忌。罨定復發。難治。初發以三黃丸。每日五鼓取四錢。熱陳酒送服。醉益取汗。或以瀉肝湯。每日早晚輪服。昔書所載昇藥爲丸。雄黃爲衣。粥飲送服。或點藥條一根。口含冷水之法。後學萬不可因此不費藥資。致傷人命。自召天誅。

如有因服昇藥。并藥條燻罨復發。在五日之前。日服三黃丸。再取紫銀茶時飲。如潰以渣煎湯。患處日洗兩度。接服聖靈。



丹可祛毒盡色轉紅活用洞天膏貼收功
卽如下疳蠟燭卸等毒總不離此前治諸法倘疼痛難忍以
聖靈丹五分數服奏功如潰爛俟毒退痛止色轉紅活當以
藥撒生肌如陽物硬而不痿白精流出此乃妒精用破故紙
韭菜子各一兩爲末每服六錢水一碗煎半碗服如見愈宜
以藥剩倘毒重服聖靈丹無不全愈

諸瘡

瘡疥之生獨由於溼故南方卑下之地患者最多昔書皆言
溼熱所致方中皆用生地涼血未見醫愈一人且以燻罨爲

法。燻雖瘡愈。然毒歸腹。定成瘡癥。凡患諸瘡。宜戒沐浴。浴則溼氣愈重。難以速痊。痊後再戒月餘。庶免復發。忌食雞羊鰕蟹。一應發毒新鮮等物。并戒房事。欲愈諸瘡者。非得良方。未易痊也。按其名類。有膿窠癩疥。繡毬瘋。猴獠疔。溼風頑癬。蛀髮癩。小兒疔。肥瘡。蠟梨。火珠。賺瘡。爛腿。漆瘡。

癩疥繡毬瘋

遇此二症。用合掌散一錢。可敷數次。全愈。臨用以右手中指羅門。黏滿香油。再在包內黏藥。塗入左手心。合掌數摩。俟藥止有氣而不見形。將兩掌擦瘡。每日早晚擦二次。三日掃光。

再擦三四日不發

膿疥門雜

照前法以二美散蘸入手心合掌摩擦每日二次愈後再擦三四日

膿窠坐板溼毒猴猴疔

此等症以五美散和嫩膏調敷外以棉紙掩綁不可動揭五日後揭下再敷一二次全愈如溼毒癢極先以金銀散敷上

惡瘡極癢



用金銀散醋調敷止癢。如破爛孔癢極者。白蜜調敷。

蠟梨瘡

用埽雪散香油調膩。剃頭後煎滾灰湯溫洗。洗後以藥敷敷。後不必再洗。日以藥敷。至愈乃止。

不癢惡瘡

以豬苦膽和金霜散調敷。

頭面肥瘡

用結子油。每日早晚拂瘡兩度。五六日愈。戒食猪肉蝦蟹等發毒之物。及煎炒熬油。食則延開難愈。



臙瘡

生於小腿。男人謂之爛腿。女人謂之裙風。氣滯血凝。經年累
月。臭爛人憎。初起或由搔破。或生小瘡。化大。或因經熱湯之
氣所致。或食毒物而成。當以老蟾破腹。蟾身刺數孔。以肚雜
代包。填入孔內。蟾身覆蓋孔外。每日煎蔥椒湯。俟溫早晚各
洗一次。以蟾易貼。內服醒消丸。亦早晚二服。三日後取地丁
大力鮮草。搗爛填孔外。蓋烏金膏。仍以醒消丸日服。如皮中
滲出清水。嫩膏加五美散敷。如內發癢。白花膏貼。如內有硬
塊如石。以生商陸搗爛塗。如孔內常有血出。先以參三七末

上海中醫藥大學圖書館藏

撒內。次用牛蒡葉根搗填。俟患口收小。不用草填。日以五寶散撒。上仍以烏金膏貼之。收功。倘年老體虛。酌投補劑。

爛腿

用烏金膏。照患孔大小。剪如膏藥一方。鍼刺二三十眼。取光面貼孔。日煎紫花地丁湯洗孔。并洗膏二次。三日內毒水流盡。色變紅活。以水飛伏龍散撒。上仍用前膏貼外。戒多立行走房事食毒物。凡婦人須待月信之後貼起。

漆瘡

取杉木屑煎湯溫洗。接以蟹黃滑石二末。白蜜調敷。

患瘡日久

此由體虛毒重。敷藥按症酌用。內服神仙棗四五日可愈。

瘡癥

以紅棗丸四兩。用紅棗湯送服。服完全愈。

如遇瘡癥危甚。不及服藥。當覓大蟹四五隻。約每重斤餘者。令其白湯煮食。飲酒蓋暖睡。不兩時身上發瘡更狠於前。而瘡全消。仍以瘡治。或服紅棗丸。或服愈瘡棗。

火珠

用生蘿蔔搗爛。好醋浸敷。遲洽妨命。



流火

患生小腿。紅腫熱痛。不潰不爛。世之醫家。惟以刀鑱。血出。或以鱧魚血塗。總無全愈之日。時常發作。復鑱復塗而已。治法當以礮灰化於缸水內。次日水面上。定結一層如薄冰者。取起。以桐油對調。膩厚。每日拂上三次。三四日全愈。後不復發。醫時忌食豬肉。

諸癬

用癬酒拂治。先將癬三日一剝。一拂。至愈乃止。

蛀髮癬



取生木鱉片浸數日。入鍋煮透。取湯洗。洗後取蜈蚣油搽。頭至愈方止。或取草烏切片。炙脆研粉。醋調日塗三次。數日愈。

陰頑惡癬

以鮮魚膏加醋煎至稠膩。磁瓶貯之。遇此症先行刺之。刺後以膏塗之。日刺日敷。俟毒水流盡。再敷數次全愈。

痔漏

痔漏即腸癖。凡人九竅中有小肉突起。即如大澤中有小山突出也。不獨於肛門一處。言痔故有鼻眼牙痔等名。痔分五種。狀亦不一。曰牡。曰牝。曰脈。曰腸。曰氣。未破謂之痔。已破謂



之漏

- 一肛門邊生出數瘡。腫而突出。膿潰卽散者。牝痔。
- 一肛門邊露肉如珠狀。如鼠奶。滴血流膿者。牡痔。
- 一腸口顆顆發痛。且痛且癢。血出淋漓者。脈痔。
- 一肛門內結核有血。發寒熱。登溷卽脫肛者。腸痔。
- 一肛門腫痛。遇怒卽發。怒息卽安者。氣痔。
- 一酒醉卽腫痛。流血者。酒痔。色痔相同。
- 一每大便秘有血。注不止者。血痔。

外痔



以槐梅膏塗之痛息日塗兩次至愈乃止內服杜痔丸每早
晚各服五錢

內痔

候登廁翻出肛外用溫水洗淨側臥其痔盡出勿使收入亦
有痔自翻出大如茶杯形如一菌糞從菌心而出痛極難忍
上面如盆四邊高中心陷下如菌根糞後用杜枸杞根搗爛
煎汁熱燻溫洗洗淨以洞天膏攤如茶碗大中剪一孔以一
邊翦開通孔烘焙圈於菌根貼於四邊圍護好肉誠恐上藥
藥汁滴於好肉耳每取枯痔藥一二分入杯津調筆蘸拂菌



夏秋頭面生紅癩。初起取洞天膏貼。週時全消。潰者貼之亦愈。用清暑散煎俟溫服。即無熱毒之患。

大癰潰後議

凡大癰潰後。世人每投炙芪。炙草。或用半炙半生。殊不知託裏散內用人參者。並非以參補虛。不過以生助芪。添其託毒之力。却無補毒之害。而炙芪止補氣。不能託毒。炙草止補中。不能解毒。倘毒氣未盡。誤投炙芪。炙草。或用保元十全等湯。致毒反得補助。毒攻內腑。余之治法。凡遇初潰大癰。止其痛。痛息則毒散。其腫亦退。色轉紅活。即可無須用參芪補託。如



又相傳欲辨是否患此
症服生豆腐漿不覺腫
者即是如此試驗較易
故錄存之

須用芪草亦皆用生不用炙也。惟體虛年老者投參而芪草
則皆炙也。如體旺家貧者無參亦易收功。
有陰有陽症門

肺癰肺疽

諸患易識。獨肺中患毒難覺。有兩腳骨疼痛者。有腳骨不痛
而舌下生一粒如細豆者。再心口之上內作微痛及咳嗽口
乾咽燥。此皆肺中生毒之證也。即用甘桔各三錢煎服。服下
如覺稍安。肺之患毒無疑矣。以犀黃丸十服。服完全愈。此是
預識預治百無一死之法。世人但知腳痛醫腳。咳嗽醫嗽。舌



卷之三
吐衄
又吐衄
又吐衄
又吐衄

下一粒。便以刀刺。且此一粒。患未成膿。定然色淡。患愈亦消。患篤其色紫黑。如用刀刺立害。諸書皆載云。口吐臭痰。胸中發腥。作痛者。肺癰也。又稱症有三不治。時吐臭痰。久如硬米飯者。不治。嘔膿不止者。不治。白面變赤者。不治。惟嘔而膿白出者。易治。治之之藥。惟地黃保生歸脾等湯。輪服而已。並無預知早治之法。直至吐臭痰發腥。始知肺癰。猶小舟飄入大洋也。此等立論。安可為後學津梁。余每見此症。吐膿其色皆白。故稱肺疽。用犀黃丸。治無不效。有赤貧者。患之以陳芥菜滷。每晨取半杯。滾豆腐漿沖服。服則胸中一塊塞。上塞下塞。

至數次。方能吐出。連吐惡膿。日服至愈。凡患此症者。終身戒食鴨蛋。白鯊。紅蘿蔔。石首魚。着甲魚。食則復發難生。

發背

此乃癰疽中大患。緣其患位對心對肺對臍耳。偏曰搭手。因手可搭而名。紅腫痛甚者。應稱背癰。治法詳於陽症門。癰癩內如色白腫痛者。當以流注法治。如平塌不痛者。當以陰疽法治。此皆陰發背也。如誤服寒劑。誤敷涼藥。誤貼涼膏。定然毒攻內腑不救。

脫骨疽



凡手足之無名指。患色白而痛甚者。脫骨疽也。諸書載云。急
翦去指。可保其命。遲則腫延手足之背。救無術矣。殊不知此
疽也。大人以陽和湯。小孩以小金丹。最狠者以犀黃丸。皆可
以消之。色紅者以熱癰蛇頭等法治之。

天蛇頭

患生指上。形似蛇頭。故名。紅腫者。取白蘿蔔一段。挖孔入雄
黃三分。蒸半熟。套指。或取烏梅仁。嚼爛塗指。及嫩膏塗之。皆
消。如患色白。小金丹服愈。


耳後銳毒



患發耳後。又名耳後發。宜別陽實陰虛。治無一錯。患色白者。以陽和丸。與二陳湯同煎服。或以小金丹服消。如色紅者。醒消丸服消。諸書不拘紅白。概以元參牛蒡連翹蠶尾赤芍銀花等七味。以治。卽色紅者。尙服不消。況色白者。能不遭其害乎。

驢眼

患生腳骨。俗呼夾棍疽。未潰。色白以疽治。紅腫以癰治。如潰爛日久。形如驢眼者。莫以臙瘡治。當問初起紅白。以疽癰別治。



牛棟臉

腳底皮內生一泡痛難步履。略去老皮。以生草烏酒磨塗上。速愈。如患生腳底之心。名湧泉疽。當別紅白色治。

懸癰

患生肛門前。陰根後。兩相交界之處。初起細粒。漸如蓮子。大數日後。如桃李大。俗呼偷糞老鼠。潰經走洩。卽成漏生管。漏久成怯。怯症人患此。乃催命鬼也。諸漏可醫。獨此難治。治則漏管愈。大致成海底漏。不救。在於未成膿時。用生甘草製軍各三錢。酒煎空心服。一劑卽愈。如成膿以醒消丸愈之。倘患



色白者小金丹愈之。

乳癰 又名妒乳

婦人被兒鼻風吹入乳孔。以致閉結。内生一塊。紅腫作痛。大謂癰。小謂癩。又未產謂內吹。已產謂外吹。以紫河車草。浙貝各三錢。爲末。黃糖拌陳酒服。醉蓋取汗。或用白芷散五錢。酒送一服。全消。如潰以醒消丸。酒送一服。以止其痛。外貼洞天膏。自愈。倘內吹。忌服醒消。如患色白者。應以流注法治。倘潰爛不堪。以洞天救苦丹服。七日後。接以大棗丸服。至收功。

魚肚癰



患生腿肚。此乃肉緊筋橫。在一身用力之處。最痛難忍。外以
紫藥紮上。內以五通醒消二丸。每日早晚輪服。初起立消。以
藥咬穿。庶不傷筋。而無縮腳之損。色白者。應以疽治。紫藥忌
用。孕婦亦然。

痘毒

色白者。因出痘服多涼藥。血寒氣滯。乘虛發毒。往往醫家誤
爲痘後火毒未盡。治之致流走。患生不一。久則生管成漏。漏
久內生多骨。害人不少。凡遇此症。應以流注法治。以小金丹
消之。有貧家痘後。不服清火之劑。結成痘毒。其色紅亮者。當

以癰法治之。

咽喉口舌門

咽喉之地。最爲急症。頃刻而痛難忍者。係寒婉轉而痛。方騰者。係熱。猶之雷電之發。因陰生。燎原之火。由漸著。內經云。驟起非火。煖發非寒。虛寒實熱。識透者。獲濟。是在明達之士。知所區別。乃隨所施。而無誤耳。

喉痺

痺者。不仁也。本無毫恙。頃刻而起。此係虛寒陰火。最爲危急之症。其見證。痰在喉中。作響。響如打鼾。舌色白而不腫。諸書



皆稱肺絕不救。蓋緣誤服寒涼以致死耳。當以桂薑湯緩緩
嚥下。可以立愈。或以生川附切片。塗以白密。火炙透黑。收貯
臨用。取如細糲一粒。口含嚥津。亦立刻全愈。先以鷺毛黏以
桐油入喉。捲之痰出服藥。

乳蛾

其形圓如筋頭。生於咽喉關上者輕。生於關下者重。或左右
右無日單。或左右皆有日雙。雙者輕。單者重。以土牛膝絞汁
含口漫嚥。如無鮮者。用天名精丸化服亦可。

喉癰



體虛多鬱者患之。喉中不閉不腫。氣出如常。微微疼癢。飲食不遂者。是此係虛火。淹纏難愈。忌刺畏補。當用雪梅丸。噲。每日一九十日可愈。

喉珠

係腦門生一紅線如髮。懸一黑泡。大如櫻珠。挂至咽門。如用刀點卽死。取土牛膝活根。搗汁。以好醋二三滴和勻。滴入鼻中三四次。絲斷珠破。吐出瘀血。立愈。

鎖喉

喉內無蛾形。痰聲不響。而喉欲閉者。是治詳煎劑門。



纏喉風

喉內熱結。喉外腫繞。且癢且麻者。是治詳煎劑門。

喉閉

倘喉內之痰塞滿。口舌有痰護。此痰不出。牙齒作響。如射。惟喉痺。誤服涼藥。有此症也。如再遲治。痰塞鼻內。氣無出入。卽死。急取鷺毛蘸桐油。捲痰。痰出。亦以桂薑湯愈之。病者二三日。前覺氣急短促。手足厥冷。忽痰壅氣閉。命懸頃刻者。是急服蘇子前胡等藥。如於道路無人店之處。藥未備者。遇有喉閉。急取一針。針其兩指少商穴。無藥亦愈。



牙疳

少商穴大指內側之端去
爪甲角如韭葉許左右同



凡患牙疳牙根紅腫及口喉之症以紫毫喉鎗點之以珍珠

凡斗至台全三集

一咽喉口舌門

五



散吹之。

走馬牙疳

此患最易延腫穿腮。不堪危險。急以赤霜散吹之。效速如神。久爛之孔。生肌亦速。或用馬蹄散吹患處立愈。

牙蝕

此症每因患骨槽風所致。透骨穿腮。亦屬危險。用南星散拂患處。數日愈。

風火蟲牙

用刻歡丸一粒。噙於痛處。丸化即愈。



舌上出血

用水金散吹擦即止。

小兒口疳

用香清餅貼男左女右湧泉穴。一週時愈。

舌腫

用四黃散擦之即愈。

口疳時發

用二冬散。含之即愈。

舌硬生衣



先用鍼刺出舌尖黑紫血以犀黃散搽之須臾舌軟

熱痛喉症

用壁錢散吹之最效

附視咽喉七症訣

咽喉症有七形若筋頭蛾無蛾喉欲閉鎖喉症亦異纏喉熱結內麻癢腫繞外日前氣短促厥冷喉閉凝喉痺齶痰響肺絕須治快喉癰因虛鬱微作癢疼態不腫又不閉淹纏最作怪喉懸一粒珠刀點命頃害藥從鼻裏吹珠破病即退



附製喉鎗法

以純紫毫細長筆。筆根用絲線紮固。濃磨京墨。蘸飽之。俟筆
晒乾。再蘸一二次。乾透極硬。用以代刀點喉患。雖被刺而不
致傷損。卽病家亦視而無恐矣。

雜症門

湯火燙

地榆磨細如麪。香油浸敷。破損者。敷後加以乾末撒上。如潰
爛不斂者。取伏龍肝。入炭火燒紅。水飛晒乾。研爲細末。人乳
調敷。或用錦線油拂上。立刻止痛。多則二次全愈。功靈效速。



乃湯火燙之聖藥也。

狗咬

先用尿淨以番木鼈切片瓦上炙炭存性研末撒上一三日
可以收功如腐爛成膿有胸痞之象者當服護心散治法宜
主清火化毒

跌打骨斷

用綠礬筋許煎湯粗草紙浸透裹於傷處再以燈心繩火於
紙上燻之紙溫即將紙易再燻可以立刻照常或於斷骨斷
上傷處用竹片綁七日全愈或用黎洞丸內服外敷亦效



閃頸促腰

用硼砂研粉。以骨鑽蘸津沾粉點兩目。淚出稍鬆。連點三次。立時全愈。

骨鯁

用燈心灰吹三四次。骨化而愈。或用雙砂湯連連服下。即化為涎。

天絲入目

捉肥虱二十餘個。二指撚熟。鍼破虱腹。令人仰臥。將虱血滴入眼內。少刻天絲隨血而出。



塵屑入目

吐津於石瓶上。以人指甲磨濃。骨鑽蘸津點入眼內。不一刻一抹而出。

赤眼淹纏

用金烏湯食下。隔兩日再服一次。全愈。

孩童目疾

黃連柴胡各一錢。研末人乳調和。塗於湧泉穴。男左女右可愈。

痘後目疾



痘後初開眼。內有星翳。取杭州臙脂。泡水。以紙鋪水面上。新筆於紙上蘸水。一日拂三次。三日愈。遲治帶疾。

鼻衄

以水金散煎服。外用龍骨末吹入立止。

大麻瘋爛潰不堪者。初起未爛。治法同效。

用粗如酒盃之蛇一條。竹刀破腹去雜。切寸段。取瓦放於炭火上。以蛇段豎放瓦上。跌倒者係無毒之段。棄之不用。不倒者有毒。用炙存性。磨粉拌入飯內。覓通身白毛。鴨一隻與食。次日鴨毛盡脫。以鴨殺之。石鍋內煮爛。勻作四五日食。凡吃



鴨第一頓其腫者更腫第二三頓收小吃完愈。

乳懸

此乃怪症也。世間亦偶有之。產後兩乳伸長形細如雞腸。垂過小腹痛難刻忍。急用川芎當歸各一斤。先各取四兩切片。水煎時服。以所餘斤半切大塊。產婦面前放一桌。下放火爐。將芎歸入爐慢燒。令婦伏於桌上。口鼻及乳吸烟。如藥盡未痊。再如前法煎服。燻吸便可縮上。倘不能復舊。取草麻子一粒。冷水磨塗頭頂。見縮復舊。即時洗去。乃愈。愈後倘日後再產。必復發。不救。



外科症治全生集 卷之二

古吳林屋山人定定子王維德洪緒氏纂輯

男王其龍雲客參訂

孫王三錫功純同參

吳縣後學潘士先器之編次
林鐘宣聲甫參校

諺云。千學不如一見。是以從師習道。必經師率而視症。以冀見廣識多。使遇症無疑。余故以四十餘年之臨症。摘其一二奇險危篤者。或用測度推原之治。悉錄於左。以備學者目之。可免師率視症云爾。



臨症治法

閩門龔姓腰患一疽。根盤圍闊二尺餘。前連腹後接背。不紅不腫。不痛不軟。按之如木。初延余治。以肉桂炮薑畫於方首。別後另延蘇城內外三四名家。眾視余方。皆曰酷暑不可用此熱劑。以余爲非。議用攻託清涼。連治五日。病者神昏無醫。復延余治。患仍不痛。色如隔宿猪肝。言語不清。飲食不進。余曰。能過今晚再商。是夜卽斃。然其至死不痛。不久伊戚亦患此症。延余治。以陽和湯服下。次日覺鬆。又服疽消小半。纔以犀黃丸與陽和湯。逐日早晚輪服。第五日全愈。後有發背相

若者照治而愈。

一壯年新婚。白日妻往母家。滿月方回。日值酷暑。未免慾暴。貪涼多扇。五鼓時喉痛氣逆。寒熱交作。余問之。則曰。三日前喉間略有微痛。今早五鼓脹腫痛甚。視其小舌腫如胖人母指。知係心腎虛實之火。并慾後經風。風火兩閉之恙。若用發表。虛上加虛。若投寒劑。風火被罨。卽用前胡。蘇子。連翹。元參。赤芍。浙貝。甘桔。八味煎服立愈。

一鄰友。余家飲酒。二鼓而別。次早伊僕云。陽物腫脹痛難小。便遣來索藥。度其酒歸行房。妻以前用未洗之絹抹之。此絹

必經毒蟲咬過。即用仙人對坐草以解蛇毒。割人藤以解蜈蚣毒。二草搗爛取汁。調雄黃末塗上。立刻止痛消腫。下午全愈。

無錫村婦。年三旬。五月望日。下午腹肌正取麵食。將舉筋。忽喉疼難食。彼地一醫以射干赤芍翹苓花粉牛蒡等煎服。服卽痰鼻滿口。響若鼯聲。痰不出齒。口有痰護。余問始知驟起。况服涼藥增險。此陰寒無疑也。但痰塞一口。萬難進藥。卽取鷺羽蘸桐油。釐許入喉。一捲痰隨羽出。吐有升許。以肉桂炮薑生甘草各五分入碗內。以滾水沖浸。以碗仍頓湯中。用匙



取藥與嚙一口病者卽稱好了連呷三四口人起說飢聞余
要飯喫可否余曰與粥最宜

南濠一匠半夜請治喉症問之不能回說旁人云昨喫夜飯
好好唱歌作樂睡着忽喉痛而醒余以炙附如細糲一粒放
其舌上嚙津數口全愈

一婦小腿經燙被醫者用冰片研入雪水敷之不一刻腿腫
如斗痛極難忍請余治婦曰只求止痛死亦甘心余曰幸在
小腿下身硬地倘燙腰腹用此一罨火毒入腹難以挽回以
地榆研細調油拂上半刻痛止令伊自拂一二次全愈一使

女炭火燙足背爛一孔以伏龍散乳調敷不三日而愈又鄰
家一孩爐上滾湯澆腹因痛自手扒破腹皮油拂上一次痛
息以地榆末乾撒於破處次日飢生未破者全愈
宜興馮悠也右足背連小腿轉灣處初起不過燙毒而成爛
腿三十餘年四起硬肛小腿足腫如斗爛孔可容大拳有時
出血有時常流臭漿滿室難聞自以布包如磚一塊以填孔
內否則空痛時年七十有四雍正六年延余治以老蟾破腹
蟾身刺數孔以肚雜代包填入孔內蟾身覆蓋孔外每日煎
葱椒湯俟溫早晚各洗一次以蟾身貼內服醒消丸亦早晚



二服三日後取地丁大力鮮草搗爛填孔外。蓋烏金膏仍以醒消丸日服其肛口外四起硬塊內有皮中滲出清水者以嫩膏加五美散敷內有發癢者以白花膏貼內有塊硬如石者以生商陸搗爛塗因孔內常有血出先以參三七末撒內次用地丁牛旁葉根搗填如此二十餘日腿始退腫癢息而其硬塊及硬肛皆平皮色退黑內肉鮮紅患口收小平淺可以不用草填日以五寶散撒上仍貼烏金膏因老翁精神不衰飲食不減始終不補收功。

宜興徐玉梧子週歲半太陽一毒背上心臍對處二毒頸後

口對處一毒腰腹二毒兩腿五毒其患十一毒皆皮色無異其大腿二腿已經伊處醫者開刀聞余至請治以小金丹每日服二次第五日消其九毒消後又以小金丹日服一次因孩小令其添一乳母十日後二孔皆紅潤以保元湯莨菪皆生加肉桂三分煎杯許另水煎參六分和服半月後以莨菪草易灸服愈一月收功。

常熟趙太元長君患橫痃被醫家開刀延余治余問開刀幾月矣彼云已有半月也余曰此患破則難治還有九月之壽卽辭別別後三百日伊戚在蘇來云已死月餘。

興邑路姓七歲童。頂門止寸許。並患三疳。潰久不斂。孔如碁
大淺。而無膿。乾而色灰。人倦無神。因服涼劑過多。飲食不進。
延余治。余曰。色似香灰。乃氣血兩喪。無膿乾枯。精神已絕。兼
值不食。難以延久。何能治之。次日而天。
楓鎮閔姓年十七。頸患瘰癧。爛成寸片。延爛耳腋及腰。如手
掌大者數處。瘦弱成怯。初以洞天救苦丹與脹毒水大流。十
日後以陽和湯醒消丸。每日早晚各服一次。十日項能舒轉。
飲食日增。外貼陽和膏。內服大棗丸。嗣後仍以前膏貼之。始
終用荆芥湯洗。以山蓮散敷。九十日收功。因未服子龍小金



二丸其毒根未除。後腋生惡核。仍以子龍丸消之。杜患。

山塘姚姓媛年二十九。小產月餘。左肩手搭處先發一毒。週

有尺五。患後半月。背脊添出一毒。自上至下計長一尺三寸。

上潤下尖。皆白陷。十日後始請余治。其勢甚篤。連服陽和湯

三劑。人能坐起。五劑自能大小便。十二劑其續發者全消。先

發之搭手餘地皆消。止剩患頂有膿者。如碁子大。膿足不痛

而穿。四日收功。後言背上如負一板。舒轉不快。以小金丹十

丸。每日二丸。服畢。肌膚不板。神色復元。

程姓母年七十。膝下患一陰毒。流注潰經數月。患下及旁。又



紋雖按之如石。其根下已成膿矣。如偶作一抽之痛。乃是有膿之證。上現青筋者。其內已作黃漿。可治如上。現小塊高。低如石巖者。不治。三百日後。主發大痛。不潰而死。如現紅筋者。其內已痛血海。不治。倘生斑點。卽自潰之證。潰卽放血。三日內斃。今患所現青筋。醫至患軟。爲半功。潰後膿變濃厚。可冀收功也。外以活商陸搗塗。內服陽和湯。十日則止一抽之痛。十三劑裏外作癢。十六劑頂軟。十八劑通患全軟。其頸項之癭塊。兩腋之惡核。盡行消散。一無形跡。止剩石疽未平。內膿袋下。令服參一錢。因在筋絡之處。先以銀鍼刺穿。後以刀闊

其口以紙釘塞入孔內。次日兩次流水斗許。大劑滋補。託裏
刪去人參。倍增生芪。連進十劑。相安已極。適有伊戚。亦行外
科道者。令其芪草換炙服。不三日。四外發腫。內作疼痛。復延
余治。余令以照前方服。又服二十餘劑。外以陽和膏隨其根
盤貼滿。獨留患孔。加以布細綁。人問何以既用膏貼。又加布
綁。答曰。凡屬陰疽。外皮活。內膜生。故開刀傷膜。膜爛則死。所
出之膿。在皮裏膜外。僅似空銜。又不能以生肌藥放。入故內
服溫補滋陰活血之劑。外貼活血溫暖膏藥。加之以細。使其
皮膜相連。易於膿盡。且又易於連接生肌。綁後數日。內膿濃

厚加參服兩月收功。

宜興一舟子。陰囊形大如斗。被走方者穿之。不數日爛。見腎子如鷺蛋。大旁有一筋六七寸長。形若雞腸。雙環隨腎子。落出臭氣難聞。令以紫蘇煎湯洗淨其筋。上爛腐。問其腎子小。便小肚痛否。彼曰皆不痛。余曰此三處作痛難治。今不痛者。可治。日以紫蘇湯洗。洗後以蘇爲末。撒上用青荷葉包之內。服黃連歸尾黃芩甘草木通等藥十劑。五日後腎子收上。爛孔收小。此非患毒。乃是損傷口。既收小。肌色紅白。內服地黃湯外敷生肌散而愈。

福建客滿身廣豆。又患橫痃。余想橫痃乃陰虛之症。藥宜溫補。廣豆係火毒之症。藥宜涼解。二症相背。既利於毒。必害於疽。務使二症皆宜之藥。非犀黃丸外無他法。令其每日空心時酒送三錢十服。二症全愈。後一人毒重者。倍服而愈。

婦項痰核三處。年久生管。延治以拔管藥。插入日易。半月愈。兩惟有一管。淺如一竅。不意伊夫遠歸。兩日管深如舊。余曰。此刻治定無功效。容日商治。伊母問余。余曰。俟令婿出外。坐月亦可收功。數日後接女歸。延治而愈。又壯年臂有二管。問伊可有暗疾。曰有夢遺。余以六味刪去澤瀉。增線膠、龍骨、芡

實蓮鬚爲丸。鹿含草煎湯。晨夕各送三錢。服完二管皆痊。
一婦兩乳皆患乳巖。兩載如桂圓大。從未經醫。因子死悲哭。
發威形大如盃。以五通犀黃丸。每日早晚輪服。九日全消。又
男子乳亦患。因鄰送鯽魚膏貼上。兩日發大如拳。色紅始來。
令其揭下。與服陽和四劑。倘色轉白可救。色若仍紅無救矣。
四日患色仍紅。哀懇求治。以犀黃丸。陽和湯輪服。服至十六
日。四餘皆消。獨患頂潰。用蟾拔毒三日。半月收功。
洞庭秦十年。項腋惡核十二處。服者連翹。昆布等藥。病重又
被刺破爛。經三載。始來就醫。以陽和犀黃丸輪服。半月十中。

愈八喜甚。帶藥而回。路見涼粉買食。至家又食。冷水激。麩次
日二便皆閉。第五日死。此病者自不惜命。故記以爲病者之
戒。
南濠客葉姓。耳下並患惡核。一被鍼穿生管。一醫大如盃。以
陽和小金輪服。未潰者全消。彼問管可易愈否。余曰。消管甚
易。管消卽斂。倘將斂一經走洩。管卽復生。愈期難訂。彼係真
誠果卽斂。

洞庭錢永泰子。患痘毒。醫用清火解毒之劑。以一毒醫增六
七。再醫毒生二十。醫至第二年。孔皆有管。日流臭漿。右足縮



不能行。坐卧三載。始來就治。以陽和小金犀黃等丸。與服用。化管藥。半月愈。半一月。管化。有多骨者。亦出。彼欲領子回家。纔以生肌散。并調和氣血之丸。與同。任子率性。欲食。即與不洗。即止。不敷。即停。日以酸橙石榴等果。消閑。嚴冬。復臭。難聞。余曰。臭則爛。香則生肌。寒疔未斂。日食酸滯。領回三月。患管復舊。乃父母害之也。

婦乳患一白疽。寒熱痛甚。余以陽和丸。同二陳湯煎服。得睡。痛息。連進三服。全愈。又婦患者。相若。伊弟亦習外科。以夏枯花粉。連翹。橘葉等藥。連服五劑。號痛不絕。延治。余視向白色。

重以致氣喘不能眠。偶有遠客令覓黃皮柑子一隻。同酒釀
三觔煎至將乾。去柑内核。取連酒釀食之。二次全愈。

附家秘內科經驗速效方

以上外科之治法。并諸方藥。業已和盤托出。悉載前集。所
有家秘內科雜症。亦藥到病愈。萬無一失。盡錄于左。以添
病者速愈之益爾。

調經種子湯

歸身、川芎、吳茱萸、各一錢、熟地、製香附、各錢半、白芍、茯苓、丹皮、各八分、元胡、索陳皮、各七分



若經水先期者色必紫加條芩八分過期者色必淡加官桂乾

薑熟艾各五分不論先期落後每服加生薑三片水一碗半煎

八分俟經水至日空心服起以渣再煎臨卧服一日一劑服

至經止兩三日交媾即孕

經期準而不孕者以續斷沙參杜仲當歸益母草各二分川芎

錢一炒研砂仁五分製香附二錢桶紅一錢種子紅花三分至期服四劑下

期再服而孕

凡通經不受胎者取丹參晒乾磨粉日以二錢熱陳酒送下

兩月內即孕

調經種子湯



附求嗣得孕說

昔褚澄言男精洩於先而女精後至則陰裏陽主男孕如
女精洩於先而男精後至則陽裏陰主女孕又言月信初
盡其濁氣未清而交媾即女務待經止兩足日則女體虛
而濁氣盡再男人保養月餘陽勝於陰定成男孕又論子
宮左右如男精洩於婦人之左生男右則生女此男清女
濁男左女右陽壯陰衰之至論也凡疾風暴雨或醉飽或
服藥石而受胎者多天必俟天氣晴明日暖風和明星亮
月而受胎者多富貴倘時令不正或迷霧氣怒而受胎者



多愚蠢貧賤。或雷電之後。而受胎者。定生怪物。求嗣者慎。

諸

手足不仁骨節麻木

甲尾片。番木鱉。各精製淨末。二川附末。一。和勻。每服七分。用好陳酒。五鼓送下。醉蓋取汗。服後痛處更痛。麻處更麻。頭眩背汗昏沉。四五刻即定。定即全愈。加服後不覺痛麻。必要服至知覺方至。

手足骨節疼痛

用熟地。四兩。搗爛。浸入滴花燒酒。二。隔湯頓熱。以竹箸攪勻。俟

調經種子湯



冷隨量日飲至愈飲時取所浸熟地過酒。

痛風

遍身疼痛以當歸桂枝元胡索天麻各等分為末均五服酒送下可愈。

箭風

用元胡索桂心當歸五靈脂木香白芷防風各一錢酒煎食遠服連服三日可以止痛。

雷頭風

此諸藥不愈之症也惟以山羊屎炒炭研粉酒送一錢甚效。



偏正頭風

白芷三錢。天麻一錢。防風一錢。荆芥錢半。煎服即愈。

胃脘痛

取鮮蒲公英。瓦上炙枯黑。存性研末。每取五分。滴花燒酒調。團口含。再以燒酒送嚥。痛息。接服五日。全愈。戒食生冷。或用紅坊內好紅花四分。棗頭十枚。入水二碗。煎至棗熟。去花。以湯食。連服二十日。永遠除根。

痞癰

凡患痞癰之處。肌膚定無毫毛。須看準。以筆圈記。用蜜陀僧。

六兩阿魏錢五羌活兩一水紅花子麝香各錢三以香油一筋煎成膏
退火攤貼患處新起者一膏而消年久者兩張而愈再以水
紅花子錢三研末火酒二錢隨量時刻飲之至愈而止

三日大瘡

惡日前用陽和解凝膏布攤貼背用常山雲苓官桂甘草枳
榔各三錢小黑豆四十九粒酒水各二碗慢火煎剩兩碗當
晚以一碗先服益暖而睡留一碗次日瘡前兩時頓熱服益
暖卧待瘡至即至亦輕亦有當日而愈者愈後忌房事戒食
生冷勞碌風霜忌食雞羊牛各蛋白扁豆自慎半月永截不



發小瘧減半。

黃疸

凡患黃疸者。白眦黃。小便赤。遍體軟。取黃豆生嚼。不惡心者。是用蒼耳子、薄荷、木通、綿茵陳。各三錢。須原陳酒。一錢煎。一碗沖炒砂仁末。三錢。服如小便赤如血者。加川連。一錢同煎。

溼症用酒辨

右方屢用愈人。或有議之者。謂癱瘓黃疸。皆溼症。應忌酒。殊不知酒雖溼物。今令其做緝溼捕。善識溼穴。領藥戰溼。非酒不可。或又謂經滴水而不效者何也。答曰。酒被水解。



捕猶賊阻也

紅白痢

凡痢不拘紅白。忌用川連。服則倒胃。如腹痛而痢者。不用別

劑。止用車前子炒研二錢。檳榔、川朴、查炭、陳皮、滑石、甘草各一錢

紅麴炒三錢。澤瀉、枳實各一錢。燈心撮。以土十一味同煎。另以木

香六分酒磨。以所煎藥湯加陳酒沖服。可以立愈。倘或增減。定

然不效。

如廢不作痛。惟痢膿血兼流黃漿。此係平素愛食冷茶水酒

滑腸等物。致成積滯。休息痢之症。凡患者忌食水果水酒。生



冷海參海蜇等。性寒之物。須用活鱈魚去腸雜。切段。放瓦上。炙炭研粉。每服三錢。黃糖拌。熱陳酒送下。數服全愈。不拘老幼。滑腸久痢者神效。

癡癩症 附羊頭風

凡患癡癩。或羊頭風等症。緣心竅中痰迷所致。取橄欖十觔。敲損。入沙鍋煮數滾。去核。入石臼搗爛。仍入原湯煎膩出汁。易水。再煎至無味。去渣。以汁共歸一鍋。煎濃成膏。用白明礬八錢。研粉入膏攪和。每日早晚各取膏二錢。開水送服。或初起輕者。取橄欖咬損一頭。蘸礬末入口嚼嚥。橄欖之味更



美至愈乃止。解熱與財一而精本人口即熱愈。

吐血

凡人膏粱味每日早熱谷双胃三益開水

凡吐血多者。覓三兩外重大全當歸一隻切細。取好陳酒。勛慢火煎至一滿碗。頓於鍋中以温為妙。候將要吐。尚未吐。口中有血含住。取藥一口。連血嚥下。即此一劑而愈。後不再發。

吐血用酒辨

脈效

每有醫家議云。吐血尚要戒酒。豈可酒者當歸而服。服則血噴不止。如之奈何。殊不知當歸二字之解。當者當其時。



歸者引血歸經也。全用定主引血歸經。此方乃余家世傳。活人多多。從無一悞。

痰中有血

取活雄鴨一百隻。每日清晨空腹時。以一隻殺血碗內。趁熱嚥下。忌加鹽。百日而食百鴨之血。不可隔斷。食完全愈。

咳嗽

吧咀杏仁一兩。泡去皮尖。內有雙仁者棄之。買新鑄鉢新研槌。將杏仁搗爛如泥。分爲三服。每服內加冰糖三錢。共八蓋碗。另用泉水煎滾沖入。蓋片刻。俟溫。連仁未服下。早晚各一次。三



服而愈。如以杏仁同煎無效。

冷哮

江西白豆豉兩。

白砒錢一。

皆為末。用飯錢三。

研爛。

八末為丸。如菜

菔子大。每取七粒。白湯送下。童子服可除根。有年者經寒則

發服。可把定不哮。

胃寒嘔吐黃水

用生薑筋。搗取汁。碗許。八廣膠。乳香末。沒藥末。

各五錢。

同煎膠

化。離火取藥。攤作三四大膏。合貼胃脘痛處。以絹綁縛三個

時。然後取。週歲孩。鞵兩隻。鑪上烘極熱。輪熨。熨至膏硬。再易



膏貼再綁三時。屢至愈而止。然後用紫厚朴三觔。帶皮生薑二觔。切片。以水五升。煮透。去薑留朴。火上焙乾。再用生草二兩。乾薑四兩。依前煮之。去草留薑。連前所煎之朴。炒燥。共為細粉。另以黑棗頭一觔。用生薑二兩。同棗煮熟。取棗去皮核。搗爛。和藥末為丸。曬乾。每日早晚各服三錢。白湯送下。服完不發。

翻胃初起

用陳皮土炒。色黃香脆為度。研為末。每服三錢。水煎飲之神效。

腸紅

取花椒子炒磨粉。黃糖拌。每服三錢。白湯送下。服至愈止。

水瀉

用炒焦蒼朮、車前子各二錢、煇查炭、厚朴、土炒陳皮各一錢。煎服立

愈。小兒減半。

小便閉

此症乃氣閉。非大小便不分也。醫家每以澤瀉、木通、車前、猪苓等藥。全無一效。余遇此症。以歸身一兩、川芎五錢、柴胡、升麻各二錢。水二碗。煎八分。一服即通。曾救多人。或孕婦及老年之人。



四仁湯方

以研杏仁火麻仁松子仁柏子仁
各三錢滾水冲送服温熱
各研末滾水冲送服温熱
茶飲如熱重加甘蔗汁

加人參一錢

大便燥結

老年人或患癰毒大便燥結以四仁湯服之立效。

尿血頭裂

當歸一兩以陳酒一升煎之一次服下即愈。

白濁

牛舌頭草根。即野甜菜。又名禿菜。根近水池處最多。取根煎湯當茶飲。或以湯煮粥食。至愈乃止。或用生白果三枚搗爛。

滾豆腐漿冲服。



夢遺

六味湯內減去澤瀉。增龍骨三錢。研細水飛。蓮鬚一兩。芡實二兩。線

膠四兩。用牡蠣粉炒成珠。共研為末。蜜丸。每日早晚各取四錢。

鹿含草煎湯送服。

烏痧脹

丁香。雄精。蒼朮。硃砂。各等分。為末。取蟾酥亦等分。切片。酒浸

研漿。和前末搗為丸。如芥子細。晒乾。瓶貯。每取七粒。溫茶送

嚙立甦。

小兒病症



面黃腹大不瀉得食易吐名曰冷瘕以丁香七枚爲末入乳
謂蒸三四次薑湯送服可愈若吐瀉兼者橘紅丁香等分爲
末蜜丸米湯送下若不瀉而頻吐不止者加薑半夏末麵漿
糊丸薑湯送下

痞瘕食積

取雞內金三十個忌經水瓦上炙無臭氣成炭存性研爲末
再用炒車前子四兩研粉二物和勻以錫餈鎔化與食食完
全愈忌食炒豆熬油結硬等物若遲治傷白或用田雞白水
煮熟加薑末少許淡食至愈乃止

小兒蟲症

凡患蟲症。當分別治之。治紅蟲以烏梅兩個。花椒三十粒。煮湯服之。然後用檳榔六兩。黑丑白丑各二兩。其為細末。每取二錢。黑糖拌食。幼孩服錢半。蟲可祛盡。治肉蠶寸蟲。以楸樹根肉。青皮蒸透。晒乾再蒸。每服一錢。白糖拌食。幼孩服六分。其蟲自絕。

小兒夜啼

因穿蓋過暖。過熱所致。諺云。若要小兒安。常帶三分飢與寒。取雞屎塗臍中。男雌女雄。最妙。或用真犀黃。飛辰砂。各五厘。

研利塗舌上立止

急慢驚風

辰砂、輕粉、各一錢、僵蚕、七條、全蝎、三個、其研細。用青蒿節內蟲搗和為丸。如菜豆大。臨用取一九研細人乳調服。

啞驚

天竺黃、二錢、麝香、犀黃、各四分、雄黃、僵蚕、各一錢、琥珀、六分、陳膽星、四分、各為末。用甘草、勾藤、鈎煎膏為丸。硃砂、一錢、為衣。外加赤金。每料均作四十九。每服一九。用燈心炭、四錢、薄荷煎湯送下。或捉大蛛蜘蛛一個。炙存性研粉。猪乳調服一半。徐徐灌下。

